



აღლაჰის შუამავალი (აღლაჰის ლოცვა და მშვიდობა მას) გვასწავლიდა ისთიხარას ისეთივე ყურადღებით, როგორც გვასწავლიდა ყურანის სურას

ჯააბირ იბნ აბდულლაჰი (აღლაჰი იყოს მათით კმაყოფილი) გადმოსცემს: «აღლაჰის შუამავალი (აღლაჰის ლოცვა და მშვიდობა მას) გვასწავლიდა ისთიხარას ისეთივე ყურადღებით, როგორც გვასწავლიდა ყურანის სურას. იგი ამბობდა: «თუ რომელიმე თქვენგანს რაიმე საქმე გადაწყვეტილი აქვს, ორ რაქათი ნებაყოფლობითი ლოცვა აღასრულოს და შემდეგ თქვას: "ო, აღლაჰო, მე შენს ცოდნას მივმართავ რჩევისთვის და შენს ძალას ვთხოვ მხარდაჭერას, და შენს უდიდეს წყალობას ვევედრები. რადგან შენ შეგიძლია ყველაფერი, ხოლო მე - არა; შენ იცი ყველაფერი, ხოლო მე - არა; და შენ ხარ დამალულის მცოდნე. ო, აღლაჰო, თუ შენ იცი, რომ ეს საქმე (აქ უნდა დაასახელოს თავისი საჭიროება) სიკეთეა ჩემთვის - ჩემს რელიგიაში, ჩემს ცხოვრებაში და ჩემს საბოლოო მდგომარეობაში (ან თქვა: ამქვეყნიურ და მომავლურ ცხოვრებაში), მაშინ განაწესე ეს ჩემთვის, მინყალობე ამაში წარმატება და დამლოცე მასში. ხოლო თუ შენ იცი, რომ ეს საქმე ბოროტებაა ჩემთვის - ჩემს რელიგიაში, ჩემს ცხოვრებაში და ჩემს საბოლოო მდგომარეობაში (ან თქვა: ამქვეყნიურ და მომავლურ ცხოვრებაში), მაშინ გამარიდე ეს საქმე და მე გამარიდე მისგან, და მიბოძე სიკეთე, სადაც არ უნდა იყოს ის, შემდეგ კი დამაკმაყოფილე იმით"». და თქვა: «შემდეგ დაასახელოს თავისი საჭიროება».

[სანდო (საჰიჰ)] [გადმოსცა ალ-ბუხარიმ]

თუ მუსლიმს სურს რაიმე საქმის გაკეთება, რომლის შესახებაც არ იცის, რა არის სწორი გადაწყვეტილება, მას ურჩევია შეასრულოს ისთიხარას ლოცვა, აღლაჰის შუამავალმა (აღლაჰის ლოცვა და მშვიდობა მას) თავის საჰაბებს ასწავლიდა ამ ლოცვას ისევე, როგორც ყურანის სურას ასწავლიდა, მუსლიმმა უნდა აღასრულოს ორი რაქათი ნებაყოფლობითი ლოცვა (არა სავალდებულო ლოცვასთან, არამედ ცალკე) და შემდეგ ვედრებაში უნდა მოუხმოს ამ სიტყვებით: ო, აღლაჰო, მე შენს რჩევას ვითხოვ, რათა შემინყალო სწორ გზაზე დადგომა ორიდან საუკეთესოს არჩევაში. შენი ყოვლისმომცველი ცოდნით, რომელიც ყველაფერს მოიცავს. შენს ძალას ვევედრები, რათა შემაძლებინო ის, რასაც მე თავად ვერ შევძლებ, რადგან ჩემთვის არ არსებობს ძალა და შესაძლებლობა, გარდა შენი შეწევნისა. შენი შეუზღუდავი ძალით, რადგან შენთვის არაფერია შეუძლებელი. შენს წყალობას და სიკეთეს ვთხოვ. დიდსა და უღვეველ მადლს, რადგან შენი მიცემა წყალობაა და არავის აქვს შენზე რაიმე უფლება ან პრეტენზია შენს წყალობასა და მადლზე. რადგან შენ შეგიძლია ყველაფერი, ხოლო მე უსუსური და უძლური ვარ და არაფრის გაკეთება არ შემიძლია, გარდა შენი დახმარებისა. შენ ფლობ ყველაფრის ცოდნას, როგორც დაფარულის, ასევე ამკარის, სიკეთისა და ბოროტების. არაფერი არ ვიცი, შენი ხელმძღვანელობისა და შეწევნის გარეშე. ხოლო შენ ხარ დაფარულის ყოვლისმცოდნე, რადგან მხოლოდ შენ გაქვს სრულყოფილი ცოდნა და შეუზღუდავი ძალა, და არცერთს არ აქვს რაიმე

ცოდნა, გარდა იმისა, რაც შენ მას მიანიჭე და შეაძლებინე. შემდეგ, მუსლიმი მიმართავს თავის ღმერთს და ასახელებს თავის საჭიროებას, შემდეგ ამბობს: ო ალლაჰო, მე ჩემს საქმეს შენ გიბარებ, თუ შენ იცი, შენი ყოვლისმომცველი ცოდნით, რომ ეს საქმე (აქ დაასახელოს თავისი საჭიროება, მაგალითად: ამ სახლის ყიდვა, ამ მანქანის შეძენა, ამ ქალზე ქორწინება, ან სხვა რომელიმე საქმე)... „თუ ეს საქმე შენს ცოდნაში წინასწარ არის ცნობილი, რომ იგი ჩემთვის სასიკეთოა ჩემს რელიგიაში“ – რაც ჩემი საქმის დაცვაა, „ჩემს ცხოვრებაში“ – ამ დუნიაში, „და ჩემი საქმეების საბოლოო შედეგში“, ანუ იმაში, რაც ჩემი საქმეების საბოლოო მდგომარეობა იქნება, ან თქვა: „ჩემს ამქვეყნიურ და იმქვეყნიურ მომავალში“, ამქვეყნად და საიქიოში, „მაშინ განაწესე ეს“ – დაგეგმე და განახორციელე „ჩემთვის“, „გაამარტივე“ – და გაადვილე ეს ჩემთვის, „შემდეგ კი დალოცე“ – მრავლად მაჩუქე სიკეთე „ამ საქმეში“. ხოლო თუ შენ იცი, რომ ეს საქმე – რომელზეც (ისტინარა) გავაკეთე, „ჩემთვის საზიანოა ჩემს რელიგიაში, ჩემს ცხოვრებაში და ჩემი საქმეების საბოლოო შედეგში“, ან თქვა: „ჩემს ამქვეყნიურ და იმქვეყნიურ მომავალში“, „მაშინ მაშორე ეს ჩემგან და მე დამაშორე ამისგან“, „და დამინესე სიკეთე იქ, სადაც ის იქნება“, „შემდეგ კი დამაკმაყოფილე იმაში“ – შენი ყველა სიკეთით, იმაში, რაც მიყვარს და რაც არ მიყვარს.

<https://sunnah.global/hadeeth/ka/show/3293>

النجاة الخيرية
ALNAJAT CHARITY

